

光道

遵

義

府

志

(一)

清·平翰 等修 鄭珍 莫友芝 纂

光道二十一年刻本 四十八卷首一卷

遵義府志序

今之府州志卽周官小史所掌邦國之志也後鄭稱如周志鄭書之屬者皆亡矣自班氏始著地理志而志特史中之一地理又志中之一耳江文通云作史莫難於志余謂志府州則尤難蓋史志取一朝掌故事具大指

舊序

一

卽稱完善府州志雖一地理而天文五行食貨職官藝文及紀表列傳靡不較史加詳則志也而全史矣分門別部上下數千年使相貫屬則志也且通史矣又史志取材者一朝之實錄起居注會典檔案紛羅於前僅待裁剪府州志則零搜碎採事事鉤稽

訪古或故老無聞撫今或譜狀難恃

潛光隱德歷久愈湮金石遺文在遠日晦甚卽六曹陳牘非滅裂於胥吏或灰蕩於水火文獻不足作者慨諸至志邊遠之府州則尤難之難者欲雅則古籍無徵欲贍則名流鮮及偶有劄錄率是俗簿而一二賢牧守思

舊序

二

文澤吏治輒以無足論遞置之置之既久則卽其時可言者亦且墜失無傳以故陋益陋缺益缺此志之大較也遵義之有志劄於前明孫太守敏政後平播僅十年書雖不及稽古而事詳現在簡核可觀今世無傳本僅有舊鈔前半弄在民間

國朝康熙二十四年遵義令陳君瑄奉
下各修府州縣志以備一統志採擇迫
於奏部三月纂成其書率盡鈔孫志
略爲增減明末

國初數十年紛紛兵燹爭據在當時能
考者概略不遑令後人無自求詳實
深可惜此志之後至今日一百六十

賀序

三

年無紀載矣其舊聞之放失爲何如
耶道光戊戌冬山陰平太守翰始議
重加纂緝繼順德黃給事樂之來作
守因踵爲之前後閱三載書乃勒成
而是役實余門人鄭生珍屬稿莫孝
廉友芝佐焉鄭生嘗以採著顛末告
余曰議之始益茫然無刺手處畱心

一年乃始知有孫志陳志及各州縣
草志而蒐得之又一年乃悉發荒碑
仆碣及各家所遺舊記事狀知不可
復有得乃始具稿稿蓋數月間事耳
噫志邊遠府州之難有如是哉是志
也於黔中足謂雅贍耳矣昔竇德元
不能對帝邱之問到今談者陋之今

賀序

四

郡人有是書其可以不德元乎然而
余復有說凡一府數百里中風化之
盛衰民心之醇醜政教之得失美惡
一一皆本乎長吏如遵義者可不謂
貴州之大府也乎經我

國家

相承休養理極故其郡閭閻之殷賑物

力之豐阜風土人文之秀澤一切與
中州等富庶之國誠曰易治而自昔
沃土往往不材守令者承流宣化又
可漫無維繫也乎然則按疆域當思
何以撫綏稽戶口當思何以保聚詢
風俗當思何以補救奉祠廟當思何
以致祥農桑思何以勸課學校思何

賀序

五

以振興與夫城池津梁及榷賦倉儲
諸大政思何以利民而盡職如是則
夙夜勤勤業業日求無負

聖天子委畀一方至意庶此志非區區空
言乎余願與諸君子共勗之

嘗

道光二十有一年歲在辛丑仲秋月

撫黔使者善化賀長齡序



賀序

六

遵義府志序

使者奉

命視學黔陬按臨所至每畱心於各郡風土人情以與志書相考驗蓋將求副乎太史輜軒之採皇華諷度之勤非僅縱游觀供吟咏也辛丑春夏歲試上游各郡由安順邛迤遞及遵義驛

鍾序

路經過如黃葛瀑布之奇盤江鐵鎖之險龍場驛古懷白亭高凡屬名勝之區未嘗不攬轡徘徊心儀往昔但維黔地僻在荒服文獻鮮徵兩漢以來類皆羈縻勿絕郡縣之置始自明初考通志至明嘉靖間始經督學憲公創修其後中丞劉公江公先後

成之然皆散軼失傳

國朝以來一修於康熙三十一年再修於乾隆六年以次增詳始稱完善郡志則罕有修之者夫通志總括全省文務簡該郡志專紀一隅事宜詳盡凡省志所不及載賴郡志以補之然則郡志之宜亟修與省志等考遵義

鍾序

初隸古梁繼附警國後屬巴蜀我朝雍正五年割人黔疆北藩始壯幅員廣袤二千里田賦關稅半全黔况經列聖相承德威遠播士習民風蒸蒸日上誠有非舊志所及備載者倘非隨時修葺信今傳後之謂何黃愛廬太守以給諫

擢守此邦振學興文美政畢舉獨念舊志
簡略慨然創修之會歲試甫畢出繕
本志稿見示自圖說星野建置疆域
以逮藝文雜記源流洞若門目燦然
至於表忠貞旌節孝著名宦紀秀髦
無德不彰有善必錄精鍊而無秕周
密而罔遺視舊志之粗具崖略爲不

鍾序

三

侔矣他日報政之資採風之獻卽謂
得力於是書也可道光辛丑嘉平

欽命提督貴州學政戶部員外郎兼翰林
院編修鍾裕撰

遵義府志序

史記漢高祖人關蕭何獨走丞相府
收圖籍以是知天下戶口阨塞識者
躋之謂其於爲政之道得其本而握
要以圖矣郡縣之有志亦猶是也遵
義自秦以來而國而縣而州郡迭有
更置至明始定爲一府四縣一州

李序

卷首

壹

國朝因之舊隸四川轄雍正五年改歸
黔省舊無志守土者每怒然念之如
瞽指星昧其分秒而不敢定權衡之
準也如聾議樂爽其音節而不能持
輕重之宜也茫然而無畔岍紛然而
無紀綱所謂按籍而稽循轍而往者
將安在耶前守平樾峰慨然有志綱

命來守是邦以淵深之學具經濟之才喜
羅舊聞倡率同事爲創修之舉惜未
竟其事以去已亥秋黃愛廬給諫奉
舊尹之先得我心謂是書之不可不
急以成之也開招賢之館發金匱之
藏重刪定之權分校讐之任蓋幾經
殫精竭慮無間寒暑而始竣其事焉

李序

卷首

式

乃抑然自下未敢自信郵書示予予
閱其書自圖說星野以至雜記敘錄
凡四十餘卷考据詳核事實簡明觀
乎天文而分野可數也盡乎地利而
疆域可稽也煥乎人文而學校可興
也建置則沿革釐然風俗則醇疵判
然物產則原隰潯然至於凜祭祀之

典禮籌倉儲之積貯總賦稅之輸將
筦兵戎之糧餉靡不綱舉目張條分
縷析後之任斯土者可以瞭然於目
了然於心權衡輕重之間有所本以
出政矣是書之益豈淺鮮哉愛廬夙
膺

簡在復登荐剡行將大展其所學以輔

李序

卷首

叁

聖天子昇平之化而其治郡也學道愛人
治具畢張是役也不沒人善不炫已
長蓋所見者大而不同於俗吏之爲
也因綴數語以序之時道光辛丑冬
月黔藩使者長沙李象鵬識

遵義府志序

余嘗泛覽天下省志其體製純駁不
必盡同要皆馳騁上下事極原委獨
雲貴兩通志鉤稽既疏採摭復略每
一卷未終撫書屢歎謂是文獻不足
之地此力眾易求詳者且然他府州
知益難爲力矣今年秋遵義郡守愛

李序

一

廬黃君示以新撰府志且屬序余受
而讀之其一事一文必詳所自則合
龍龕手鑑例蒐羅舊碣存目甄文則
合輿地碑目例而地理水道事加詳
考使貴州之郡縣山川自漢魏來皆
有端緒溯古到今復爲年紀使貴州
之唐以前事大半可以參求則隱隱

乎非僅一府書矣余乃歎前之所不
足者非果不足亦視乎人之爲耳太
守斯功於遵義哉以遵義號黔中名
郡自創志於前明萬曆壬子入
本朝僅一修於康熙乙丑嗣失修者百
六十年而我

國家深仁大澤涵泳沾濡羣忘

李序

二

帝力多歷年所則所以上揚

聖化下闡民風者不胥斯志乎賴哉抑余
觀斯志於典禮於農桑風俗凡切於
富教者不辭贅不嫌屑勤懇懇焉思
深哉周官土訓掌道地圖誦訓掌道
方志而官竝以訓名斯志也意無亦
不徒彙掌故備討論而將諗來者以

柯範歟余竊幸掛名簡端故樂識數
言以質之太守其纂修端委各序已
詳余何贅

道光二十一年歲在辛丑季秋月
貴州等處提刑按察使司按察使河
間李鈞謹序

李序

三

遵義府志序

道光丁酉春山陰平樾峯承

簡命來守播州居以廉平庶務畢理念郡
乘之闕而未備也爰有事焉知郡孝
廉鄭生珍之博學多聞而屬以簡書
之役復以都勻孝廉莫生友芝爲之
佐而身爲裁定其當否事方草創而

序

一

平君罷郡去繼之者爲順德黃君愛
廬踵其緒而期底於成於是按之史
冊以窮其源參之羣籍以著其辨驗
之觀記以求其真繁不傷冗簡不涉
遺以筆以削有典有則爲目三十有
三爲卷四十有八凡三歷寒暑而書
用成郡舊有前守孫君敏政之志書

軼不存前令陳君瑄嘗續修之亦簡陋難訓蓋遵義自削平楊氏而以今之郡縣治也迄茲二百四十餘年而郡志始有定本焉自余監司黔中兩按播州曾歷其境而周覽之矣登碧雲之峯而睇眄膏壤墳腴綺交繡錯秔稻黍稌家給而人足繭絲之利衣

周序

二

被蜀秦商賈之挾重貲而出其途者踵趾相屬則澠水以西烏江以南無此饒也行其野而戶誦家絃與機杼之聲相雜盈耳者洋洋也何風之淳歟停車桐梓之郊思先將軍抱匡復之孤忠而遭逢顛沛以鬱鬱於此也猶有能識其軼事者乎則慷慨歔歔

徘徊而不忍去北眺松坎西顧箕山是黔蜀之吭昔日用武之地也追懷李于田劉省吾之所力征而經營者欲求其踪跡而父老莫能言其故則承平久而人不知有草昧之艱也非一日矣夫播州自五尺通道於秦而遙置之吏亦第期以不侵不叛已耳

周序

三

固未嘗以文教治也然而百餘年間已有舍人盛覽者流各以其德業聞望自通於上國北方之學者無以過之得非人之不爲地限者乎而地可限耶嗣是中朝威德不能及遠播以犬牙楚蜀之國常羈縻而度外置之迨唐失其柄州之淪於楊氏者又數

百年意者山川清淑之氣蜿蜒磅礴
挺而爲奇偉魁梧貞廉忠孝之士屬
首於椎髻之君長匿其秀而湮沒不
彰者固已多歟不然何自魏晉以降
而可書若璣璞之倫者竟寥寥也能
無慨哉且凡物之否泰通塞無定形
也使今日之涉是邦者覽夫山川之

周序

四

雄秀物產之豐盈風俗之敦龐士之
蓄道德而能文章者蒸蒸日上輩出著名
稱於當時爾雅之風幾冠黔服有不
以播非人居之言疑子厚爲忘語耶
及取是編而上下其理亂興衰叛服
離合之故乃知坤輿蟠結之精靈固
已若滅若沒扼抑於千數百年之久

至今日而乃大發其華則

聖朝之德威遠而教澤之人人深也非斯
人之幸歟自茲以往官斯土者思取
鑒得失之林則昭然在目既得知所
損益乘除而時修其政教士之覽邦
乘而發思古之情者知幸生明備之
世得以詩書禮樂之躬乘時而利見

周序

五

亦將磨礪奮發恥以不朽者讓能於
其鄉先生卽以倡氓庶而益厚其風
俗胥于是乎取之是則兩大夫汲汲
此志之心而若二生之旁搜博採殫
見洽聞各能不負所知以相與有成
亦良有足尚者矣爰書以告後之來
守是邦者且爲邦之人士勸焉

道光辛丑季秋

誥授中憲大夫分巡貴西安大興遵兵備

道涪陵周廷授序

周序

六

遵義府志序

天下事謂非數乎哉古吳越荆楚閩
粵諸國大氏夷耳蠻耳而今則文物
財賦之所藪也秦晉之郊三代兩漢
來皆帝王宅而水泔山赭望古者意
爽然焉是故興衰之運非獨天時人
事迭有起伏惟地亦然遵義漢所謂

平序

一

西夷者也漢後雖遞為郡縣經楊氏
世據七八百年以至明猶夷耳李長
垣剗平之變以漢官威儀入於

國朝

列聖漸之文教此周千里之地物力殷賑戶
口繁蕃非大歉歲無不完之征非死
病臘無不歸之子經行雖僻無一二

里無塾童聲省試舉四十八人郡獲者常踰四之一謂昔地非夷乎今視中州何異也非其疆索數當昌阜而然哉莊嚴之興山之靈也遊觀之華水之榮也人名者必詳年譜家熾者必整圖系是皆其運之盛也然亦其自然非強得焉耳有今日之遵義卽

平序

二

宜有今日之府志可強乎哉數千年不文之邦今文也無以自表見不意以余粗吏而思表見之也思之初頗難焉乃已有鄭君珍莫君友芝生長其地寂寂寞寞互研究許鄭二三君子之業而又不鄙余以肯從余謀也余去又難矣期會不失已耳租稅

無缺已耳是迂闊者誠急務乎哉乃有張公不病余好事而續任之卽又有黃公精心致志三年不倦遂底於成皆似有數焉欲府無此志不得者要亦自然非可強焉耳辛丑仲冬鄭君郵致鈔本以余始也屬數語識之余感遵人之不忘余也是書成大爲

平序

三

遵人慶而使余獲挂羣公頰則亦余之幸也若是者又非數乎哉因書以爲序

道光辛丑冬十一月前任遵義府知府山陰平翰謹撰

序

府志至今日成矣又得諸鉅公鴻文
弁簡端余以謏陋適事會樂與郡人
士慶書之成而成書顛末慮必詳以
詔來者則余雖不敏其曷辭序曰府
之有志自前明盧君守曾始盧後十
年郡守孫公敏政經營三載始著定

序

萬厯壬子志二十二卷著述家所引
皆是書也孫志後七十四年遵義令
陳公瑄迺令檄以再閱月重纂康熙
乙丑志三十二卷上於

朝通志錄者皆是書也陳志到今又一
百五十七年矣聞嘉慶乙亥丙子間
郡守趙公遵律力擬重修而未屬稿

以病去前後蓋無議及者夫以遵義

爲望郡若此而文獻缺若彼此伊誰
之責哉前守平公翰獨能急人所忘
於荒山破屋中致鄭君珍付以纂緝
之任而鄭君於莫君友芝又弟之而
相師友相得也戊戌孟冬因捉手約
蛩駟茲舉明年孟夏平公以溫水事

序

被議去權守張公鋌繼之越孟秋余
自給事中奉

命來膺守至張公告余舊政意懇懇屬爲
平公終此余敬承不敢怠獨念自始
事來費皆任居亭者誠善然遲速不
卜也若不繼主若何主久暫未定來
者或不樂客若何因與五城牧宰籌

量協捐又得郡中王方伯青蓮存助
義舉頌而唐太守樹義并二三君子
亦樂贊邪許經費乃頗可恃知盡是
當不足然余自力焉耳又念獵隱蒐
新必非隻手足辦乃簡各邑諸生令
專採訪村至鄉問摘山脈津蓋去年
秋而徧纂始紓焉自是各門始漸次

序

三

具稿余案牘暇時過來青閣上下推
論往復羣說然率無以易之蓋鄭君
於此書謂孫志詳今而不詳古陳志
略古而且略今今日事同創始當使
大雅通識於茲置是非焉若等家人
米鹽簿猶不爲也所徵引前籍至四
百餘種竝導源究委實事求是然苟

舊說不安雖在班志桑經亦力正傳
本之誤糾作者之失人以爲妄意若
有不屑屑計者其紀載頗每每纖繁
曰甯詳爲後作藍本非文富之國錄
不勝錄比也體裁竝有自不專仿一
家隨事發凡亦不襲故習別立總例
至今年辛丑冬全書梓就計凡四十

序

四

八卷目三十三附目十四通八十餘
萬言於是畢平公之雅志副張公之
重屬而余薄能鮮德無一二善猷塞
士民望亦藉是從孫陳二公之後以
與遵義俱存也豈非幸哉語曰不習
爲吏視已成事又曰前事不忘後事
之師也是又非獨余得此多師也已

告

道光辛丑冬十一月貴州遵義府知府順德黃樂之謹撰

序

五

遵義府志纂輯銜名

鑒定

欽命戶部員外郎兼翰林院編修提督貴州金甌學政加三級鍾裕

貴州等處承宣布政使司布政使加三級李象鵬
貴州等處提刑按察使司按察使銜銜全貴州傳事加三級李鈞
分巡貴西兵備道兼管安南大邊等處地方加三級周廷授

總理

遵義府知府黃樂之

創理

銜名

遵義府知府平翰

續理

署遵義府知府張鏜

督採

署遵義縣知縣李秀發

署遵義縣知縣潘光泰

署遵義縣知縣楊書魁

正安州知州壽元渭

署正安州知州黃士古

署桐梓縣知縣甘雨施